

II. Guilhelmi Musgrave *Regiae Societatis Socii*, de  
Britannia quondam pene Insula, DISSE-  
TATI O.

CUM Belgium nostrum a Britannico adluitur Oceano, illo latere Insulæ hujus triquetræ, quod est ex adverso Gallia; visum mihi fuit, priusquam id describere conarer, antiquam & diu agitatum movere quæstionem, de Britannia cum Gallia conjunctione, &, an revera unquam esset, exquirere.

PRIMUM igitur, posita Chersoneso Britannica, utrum exedi potuerit: Deinde, utrum exesa fuerit, edisferam.

DE priori propterea dicendum, quod a docto & magni nominis Viro, Vossiorum altero, strenue negatum sit, unquam, ubi hodie Fretum est, suisse Chersonesum: & quidem ideo negatum, quoniam, illo sentiente, nihil ei deterendæ dividendæque par inveniatur. Ut Taprobana (Insulam Ceylon) a vicina continente non avelli probet Vir Clariſſ. [Otio (a), inquit, abundant, qui iſiusmodi Ægyptiorum fabellis, jam millies productis, totiesq; recocetis, aurem commodant. Quam constans & tenoris sui observans sit rerum natura, patet e Bosporis, omnibusque omnium terrarum Fretis. Iis cum præcipue Marium & ipsius Oceani vis semper incubuerit, eadem tamen ubique a tot annorum millibus & ab ipso, ut verisimile est, rerum exordio, servaret intervalla. Currant licet, ac recurrent Undæ, allatrent undequaque Fluctus, fortius est Elementum quod re-

(a) In Notis ad Melam.

Y y y y

siflit



fistit, quam quod oppugnat. Ex eis Scopuli, ac vasta maris antra, satis ubique ostendunt, quantum Oceani impetus lapsu seculorum possit efficere: verum hæc ipsa queque, quid non possit efficere Oceanus, multo clarius ostendunt.]

Hæc Isaacus.

UT disputationem ea de re ingrediar, Vir hic Clariſſ. Naturæ, nec qua agit illa nec qua patitur, statum ac conditionem, ex omni parte sic, ut est revera, animo satis adverteſſe videtur. Cum nec de *Taprobanæ* ſolum Freto commentatur, ſed de Fretis in universum, & quidem Argumento *a conſtante* & tenoris ſui obſervante *rerum natura* accepto, videamus quam hæc cum Oceanis & Freto nostris convenient, & in iis quam conſtanter agat Natura.

OCEANI Britannici, prout nunc dierum eſt, cum latitudo tum profunditas investiganda, ut ex iis de priſco ſeu Freto, ſive Sinu, poſſimus ſententiam ferre. Ut autem eas comperiamus, adeunda eſt Tabula *Halleiana*, ſui generis omnium accuratissima, ex jufſu Regis *Guilhelmi* ejus nominis Tertiī conſtructa. Ea docemur, in Oceano Britannico, ubi Terrarum hiatus, hac illac ampliſſimus eſt, a veterum *Ocrino* (*Lizard-Point*) ad Insulam ei oppofitam *Ulhant*, unum eſſe gradum cum ſemife, id eſt Leucas quaſi triginta, ſive milliaria 90. Hinc Oceanus ſe in oriente parum adducit, at multo magis ubi Promontorium in eum procurrit *Normannicum*: ibi enim eſt dimidio adductior; cum inter *Peverel-Point*, & *Cap. de Hague* e regione ſita, Leucarum *Anglicarum* quaſi 16 diſtantia ſit. Tunc ſe iterum effundit, ubi *Sequana* recipit: at brevi in arctum agitur, inter *Beachy-Head* & *Cape St. Vallery*. Dein paulatim anguſtior, faſtigiat ſe molliter, uſque dum in Fretum contrahitur, inter *Ness Anglorum*, & *Gallorum Blackness*, non amplius octo Leucis, id eſt 24 milliaribus patens. Terræ tunc

tunc aperiuntur longe lateque vastissime, & spatium Mari faciunt *Germanico*.

HÆ sunt Oceani Fretique *Britannici* diversæ latitudines; quibus appareret, eas, si non continuo, tamen adeo rara tamque exigua cum ampliatione minui, ut argumento nostro nihil inde queat derogari. Ita enim Oceanus contrahitur, ut qui initio, seu Faucibus ejus *Britannicis*, Leucas triginta, sive Millaria præterpropter nonaginta latus sit, post Leucas 153 circiter, sive Millaria 460, (quæ hujus Oceani longitudo est) ad 24 millaria contrahatur; id est ad primæ latitudinis partem quasi quartam.

PROFUNDA hujus Oceani altero loco sunt expiscanda, & quidem optime beneficio ejusdem Tabulæ. In ea dividitur Oceanus *Britannicus* una cum Fretto, in Columellas numero decem, oblongas. Harum singulæ latera sunt ex circulis Meridianis accepta; quæ cum in plano ducta sint, videntur esse recta. Columellæ terminantur adversis *Gallia* & *Britannia*que litoribus: hoc est, Lineis hic illuc curvatis in litorum morem.

INCIPIAMUS a prima in occidente, quæ & longissima Columella est: & (præmisso, quod *Hiberniam* & *Galliam* inter, Oceanus orgyias altus sit in locis compluribus octoginta; uti paulo ulterius in aperto Mari, 100, 120, 140) notandæ sunt in prima Columella profunditatem omnium altissimæ; quæ decies exploratae se habent, ut 58, 66, 63, 65, 58, 65, 68, 60, 60, 60. quæ profunditatum Summæ faciunt 623 orgyias. Ex per decem, i. e. profunditatum numerum, divisæ, medium earum profunditatem ostendunt esse 62.

IN Columella altera, decem altissimarum media profunditas, simili modo investigata, est orgyia 51. In tercia 51. In quarta 40. In quinta 43. In sexta 40. In septima 36. In octava 37. In nona 33. Post nonam Columellam, cum Oceanus in levam flectitur, &

obliquus in Fretum definit, accipiam illud ut Terris interjacet, in *Britannia* locis appellatis *South-Foreland* & *Hastings*, in *Gallia St. Valery* & *Eſtaps* inclusum. Hic profunditatum decem media est 30. In Freto angustissimo 16: quæ ad profunditatem medium in prima Columella, est, ut 16 ad 62; id est, ut 1 ad 4 fere; & ad altissimam profunditatem *Galliam* inter *Hiberniamque*, ut 16 ad 80, i. e. ut 1 ad 5: ad altissimam in aperto Mari, ut 16 ad 140; i. e. ut 1 ad 9 fere

QUA proportione minuitur altitudo Maris, ea crescit Terræ Mari subjectæ acclivitas; & est illi in *rattone inversa*: quæ utique propositio, si non ex omni parte vera, (propter orbis figuram minime rotundam) tamen adeo veræ proxima est, ut argumentationi nostræ sufficiat. Est ergo Terra, in Freto nostro angustissimo undis subjecta, quam in Oceani *Britannici* faucibus, orgyias 46, id est pedes 276 altior; & quam Terra, *Galliam Hiberniamque* inter, Oceano subjecta, orgyias 64, sive pedes 384 altior; & quam Terra, aperto Mari subjecta, 124 orgyias, sive pedes 744 altior. Vide quanta sit Terræ ab alto Mari ad Fretum acclivitas; eaque ut ex calculo prædicto patet, fere continua. Hæc est Oceani *Britannici*, tam in illius Latitudine, quam Profunditate contrac̄tio.

AGE, nunc tendamus ultra, velis expansis, in Oceanum *Germanicum*: Hic Mare subito patentius, sic, ut etiam profundius: quod inter Promontoria *North-foreland*, *Orfordness*, Oppida *Caletum* & *Oſtendam* interfuit, decem maximas habet mensuras, quarum media 24 Orgyias cum  $\frac{1}{4}$  continet: quod inter *Orfordness*, & *Tarmonib*, *Texellam* & *Oſtendam* est, maximas decem mensuras habet, quarum media 25 Orgyias cum  $\frac{1}{3}$ . Quicquid ultra est, Terris, hinc ad occidentem, illinc ad orientem se retrahentibus, vastissimus est Oceanus, in quo mensuræ sunt ab orgyiis 45 ad 50 numero quamplurimæ.

HÆC

HÆC a Freto Britannico tam in oriente, quam occidente Terræ declivitas (quæ a Maris altitudine utroque aucta patefit) omnino probat, *in ipso Freto jugum esse Terra excusum, acutum*; quod cum hodie non multum *infra* Maris superficiem esse reperiatur, olim se emergere, hoc est *Cherronesum* olim hic fuisse, monstrat.

**A L I A** sunt duo, quæ cum in hac re momenti sine immensi, tenore tum minus certo, & natura minus sunt constanti; quandoquidem a Maris motu & ventis accepta. In refluxu Maris Aquæ nunc quiescentes incubant arenæ; nunc eam molliter præterlabuntur. In æstu mitiori, Litus & ima Rupium blandissime lambunt, tenerime osculantur. Fervente vero æstu, res omnino alia est: Aquarum Fremitus auditur, Fluctus cernuntur, & se non parum attollunt. Nihilominus sine multa strage, terrisve aliquot annorum millibus exesis, hæc omnia posse fieri, cum *Vossio*, cogitandum est.

**S I N** æstuanti Mari, quod altero loco dicendum est, Ventus superveniat (*Flat autem Ventus sic, ut vult, & quis ei tempus statuerit, aut modum imposuerit?*) papæ! quoti, quantique Fluctus advolvuntur! *Alpes* existimare licet Crystallinos, nisi quod cito diffluant. Montem enim Mons invadit, detrudit, discutit; tantisper ejus spoliis adauctus, dum in cœlum altissimus exurgit Aquæ Mons. Tanta vis Aquarum ex Oceano occidentali in *Britannicum* immittetur, & tanto impetu, quantum in universo Terrarum orbe rarus inveniatur; imo quantus ab ipso rerum initio rarissime. Oceani *Britannici* tum brevia, tum angustiæ, continuo pœne (quod ostensum est) crescentes, faciunt, ut Aquæ sic impulsæ mirum in modum eleventur, & in Isthmum (quem argumenti gratia fuisse damus) arietent, ita ut ab iis Isthmum exundari, deteri, ablui; siveque Insulam fieri *Britanniam* non videatur *ἀδυνάτων* εν; verum e contrario factu probable: Quantæ Ventorum, at præcipue

Zephyri Cauriq; virtutes fint, in cogendo impellendoq; hoc Oceano Britannico, paucis expendam, a Doctissimo viro Rad. Bohun, (*Nevi olim Collegii Socio, qui de Ventis omnium eruditissime scripsit*) hac in re adjutus.

E T I A M S I Zephyrus a Poetis *vitam rebus ferre* dicitur.

— ejusque *tepenibus auris*  
Laxent Arva Sinus; —

interdum ita sit, ut

— *Euriq; Zephyriq; tonet domus*; & ut  
— *Zephyro multæ turbentur arena.*

Adeo fævus, horribilis, iracundus sæpe Zephyrus, Vires in Oceano, qui *Europam & Americam* vastus interjacet, acquires, & in amplissimo hocce campo recensens, vix concipi potest, quanto *Britannia Gallieque* oras impetu invadat. Exploratissimum enim est, in hisce oras eum communiter anni plus dimidio flare, (quod jam olim a *Julio Cæsare* notatum) & flatu eas sævissime verberare: maxime autumno, a quo sumunt originem Tempestates Idiomate nostro dictæ [*Michaelmas-Storms*] eumq; adeo interdum sævire, ut si cum æstu fervente jungi Ventus hic acciderit, tam Oceanus *Britanicus*, quam Fretum *Sabrinianum* immane quantum augeantur. *Sabrina* vastissime turget. *Uzella* longe lateque *Somersetensem* Agrum exundat: Mirum ab hisce Cataclysmis quantum mea patria perpessa est. Continuatur æstus ad usque *Tewkesbury*, id est millaria magis ducenta. Apud *Chepstow* Aqua pedes interdum octoginta assurgit. Idem fere dicendum de Oceano *Britannico*, Venti ejusdem viribus elato: nisi quod hic, Chersoneso jam effracta, liberius Aquæ moveantur, non adeo sistantur, non tantum eleventur; quæ utique Aquarum libertas ante Chersonesum abruptam, nequaquam adeo magna esse potuit.

HAC igitur de causa [Zephyro nempe, *Catre*, sive alio Ventorum aliquo, Maris aestui superveniente] Oceani Britannici Undam in Isthmum validissime impingi, & ab illis primum ejus superficiem, quæ ex Silice & Calce (prout hodie Terræ e regione opposita) constabant, ablui; deinde Isthmi quod reliquum erat, spatio bis mille annorum & eo amplius, Aquæ fluxu refluxuq; ad 16 orgyias, quæ hodierna Freti hujus (quod diximus) altitudo est, atteri credibile, verisimile est,

TANTUM abest, ut *Vossio*, Fretorum perpetuitatem a naturæ in operibus suis *constantia* tenoreque eodem arguenti, fidem habeamus, ut e contrario Fretum hocce nostrum illius *inconstantia* deberi, lubens agnoscerem. Vir ille clarissimus, naturæ usitatum agendi modum unice respiciens, *extraordinarium prætermisit*; qui tamen, in rarissimis hujusmodi effectis, potissime videtur respiciendus. In Fretu Siculo considerando, ejusque diducendi modo investigando, quis Ignis subterranei supra modum erumpentis, tamquam Causæ hac in re probabilis, non meminerit? nisi istam *Catanensem atomiarum* consecutus, qui (tradente *Alphonso* † *Borello*) post Eruptionem *Etnæ* diu intermissam, Ignem ejus immodicum ne semel quidem unquam fuisse, satis insulsa putavere. Ut Vento nihil inconstantius, sic ad Fretum hoc aperendum (posito causarum apparatu cætero) nihil conducibilis: & cum eo res deducta est, *fortius elementum esse quod oppugnat, quam quod resistit*, (aliter quam *Vossius* statuit) omnino probabile mihi videtur. *Salmasium* ille, Virum & candidum & doctum convellit, quod de Navibus absque Costis & Interamentis, ita scripsit, ac si in *Burgundia* mansisset, nec quid rei Navis aut Mare foret, intellexisset. Nequeo satis *Isaacum* mirari, quod de *Mari & Ventis* scriptor luculentus, horum vires in Mari

† In Libro de Incendiis *Etnæ* p. 117.

turbando agitandoque, in terris obruendis abrumpendisq; prorsus omitteret; atque adeo quod *Batavus* omitteret: ea scil. Regione oriundus, quæ Mari & Vento tam obnoxia.

NON alienum erit hic Inundationum aliquot exempla, ut revera fuere, in medium proferre; quibus abunde patet, Terræ faciem frequenter obrui, & ab iis non parum mutari. Hic autem nihil necesse est, ut *Helicen* & *Burin*, *Achaia* Urbes adeamus: de quibus tamquam magnarum Inundationum argumentis, (1) Ovidius, & diu ante illum (2) Aristoteles. Gravissimas suisse Oceani nostri, tam *Germanici* quam *Britannici*, satis ostendunt Historici Geographique.

IN *Zeelandia* (3) Insulæ undecem, & in iis Oppida & Pagi (quorum hodie summitates aliquæ, refluxu Maris in conspectum veniunt) numero ter centum (4) obruebantur.

ANNO 1014. [*Mare Litus egreditur III. Cal. Octob.*  
& in Anglia Villas quamplurimas innumerabilemque populi multitudinem summerit.] (5) Simeonis Dunelmensis Historia de Gestis Regum Anglorum. De hac, ut opinor, Inundatione videatur etiam Chronicon Joh. Brompton (6).

ANNO 1099. [Tertio Non. Novemb. mare Litus egreditur, & villas & homines quamplures, Boves & Oves innumeratas demerit] Sim. Dunelmensis (7) Historia.

AD 1176 [*Mare extra fines in Anglia erumpens multos in Hollandia homines & pecora absorbuit, & quasi*

(1) Invenies sub Aquis, & adhuc ostendere nautæ  
Inclinata solent cum mœnibus oppida versis.

1 Metam. Lib. 15.

(2) Τὰ δὲ ἀγάλογον συμπίπτει τέτοις καὶ ἐν θαλάσσῃ χάσματα γεῖ,  
γίνεται θαλάσσης καὶ αναχωρήματα πολλάκις, καὶ κυμάτων ἐπιδερμαῖ, ποτὲ  
μὲν αὐλαγακοποιοῦ ἔχεσται ποτὲ δὲ περὶ σιγὴν μόνιν, ὥσπερ ἴσορφιται ποτὲ Ἐ-  
λίκιν τε καὶ Βῆρυν. Arist. de Mundo. (3) Heylin's Geogr. L. 2. In Belgio.  
(4) Laer. Descriptione Belgij, pag. 124. (5) Apud Historię Anglicanam  
Scriptores X. pag. 171. (6) Apud eosdem, pag. 892. (7) Pag. 224.

*post biduum furore sedato in semet ipsum rediit.] Chronicon Johannis Brompton. (8)*

**I**N SOLITAM maris inflationem & commotionem Anno D. 1250. factam, tradit *Mattheus (9) Parisiensis.* [Unde Mare perturbatam fines solitos pertransiens, tam horribilem mugitum cum fremitu edidit, ut per remota Terra spatia, non sine stupore audientium, reboaret. Visum est etiam sub opaca nocte ipsum Fretum quasi accensum ardere, & Fluctus Fluctibus conglomeratos dimicare. Apud Winchelse plusquam 300 domus cum quibusdam Ecclesiis per Maris violentum ascensum sunt submersae.]

**A**NNO 1251. inquit idem (10) *Mattheus [In Frigia (qua Frislandia appellatur) Aqua Diluvium fecit particulare, occupans Terrae illius spatum itineris circiter septem dierum. Post 40 dies ille damnosus Fluctus in locum suum remeavit.]*

**A**NNO 1286. [*Ingruente fortissimo Vento, flante de partibus Orientis, qui & Eurus dicitur, & fluxu Maris super provinciam Hollandiæ terribiliter invalecente, prævaluerunt Aque Maris, adeo ut Fossata, qua Terram ipsam & Mare disternant, inopinatus quam credi poterat, transgredierentur; posuitque Terram fructiferam in salsuginem tam repentinus Maris impetus; qui per indigenas nullatenus poterat obviari: & maxima pars S. Botolfi submersa, hominumque & pecudum inastimabilis periit multitudo.*] Ita *Chronicon Tho. (11) Wikes.*

**D**E Hollandiæ Inundatione sic *Hadrianus Junius (12) in Batavia Historia* [Quadragegitis abhinc annis inaudita illa Inundatione qua universam Hollandiæ faciem longe lateque operuit, obstruendo fluminis (Rheni) cursu, steriles arenarum colles Litus occuparunt, Mare, Terras, ipsamque Litoris oram attrivit.]

(8) pag. 1117. (9) Pag. 535. Ed. Watsona. (10) Pag. 549.  
(11) Pag. 114. (12) Pag. 196.

ANNO 1404. quo beatissimus noster Wiccamus obiit, [Tanta repente ruptis limitibus irruptit Aquarium influentia in Cantio, quanta nunquam furat illic ante visa, qua submersa sunt animalia numero & pretio excessivo: nec solummodo d elevit Anglia damna talia, sed ut fertur, Selandia, Flandria & Hollandia, per Undarum excrementa, innumerabilia sensit di pendia eo anno.] Hypodigmate Novis per Tho. (13) Walsingham.

[REGNANTE Edwardo I. cum Oceanus ventoram violentia exasperatus, hunc (Cantii) tractum operuisset, lacq; hominum, pecorum adficionumque stragem dedisset, & Bromhill viculo frequente pessundato, etiam Rother, qui hic prius se in Oceanum exoneravit, alveo emovit, ostiumque obstruxit, novo in Mare aditu compendio per Rhiam aperto.] Camdenius in Britanniæ Cantio.

QUI D quod Tungros, oppidulum Leodiensi, a Mari pene centum millaria jam remotum, Mare quondam adluere opinati sunt Viri doctissimi, argumento non uno persuasi (14).

NEQUE nostra ætas caruit hujusmodi Exundationibus : Narrant Novellæ Feb. 27. 1713. in Effoxia, plura Terræ jugerum millia, per millaria aliquot, inter Barking & Purfleet, eversis obstaculis, Maris influxu obrui.

HÆC de Oceani Germanici exundationibus : Britanici nostri, & Sabrine, neque pauciores, neque minores sunt. Enimvero vidimus ætate nostra Isthmum, uno eodemque Pedredi fluxu & refluxu (Terræ superficie prius ab Agricolis semota) dilui, fluviumque veteri cursu relicto novum acquirere: hoc, inquam, unico fluvii illius æstu factum vidimus, nullo auxilium præbente vel Undas adigente Vento.

(13) Pag. 564. Ed. Franfurt. MDCIII. (14) Verstegan's Antiquities, pag. 102. Ray's Physico-Theological Discourses, 1693. pag. 169.

S A B R I N Æ fluminis impulsu fieri probabile est Exundationem illam, qua in Agro Monumetensi, Parœciæ №. 26. A. D. 1607. mense Januario Aquâ obruerentur: Cujus eodem Anno publicata fuit (15) Historiola:

J O H A N N E rerum *Anglicarum* potito [Subita & improvisa *Aquarum Inundatio pluribus in locis per Angliam facta est, unde plures homines submersi sunt, & domus eversæ, maxime apud Excestre & Sanctum Ivonem.*] Imagines Historiarum Autore (16) Radulfo de Diceto, [Post diutinam malaciam, mare *Vergivium*, adeo per totam hyemem, regnante tunc Henrico secundo, tempestatibus agitabatur, ut toto illo temporis spatio, Navicula nulla ad *Hiberniam* adpulsa, de reliquo terrarum orbe nihil apud eam inauditum. Terror hinc universus, tamquam malo impendente quodam gravi, de celis misso. Arenarum aggères, in Australi *Cambria*, quasi *Cataclysmo*, abluebantur, Litora subvertebantur] Giraldi *Cambrensis* (17) *Hibernia expugnata*.

A T ô quam terribilis illa tempestas, qua, Maris Undam in Oceanum *Britannicum* impellente *Africo*, ita ille turgebat, ut Pharos illa celeberrima, *Eddystone* appellata, quæ fuit e regione *Plimuthe*, tamquam in contemptum *Æoli Neptunique* fabricata, quasi ludibrio habitasimul cum ædificatore dirueretur. Cujus utique tempestatis in hoc nostro Oceano si non eadem vis & potestas esse videatur, atque illarum in prædictis Oceani *Germanici* Exundationibus, propter majorem ab hisce stragem & damnum in *Hollandia Zeelandiaq; factam*; Litoribus hoc nostris rupibus munitis, quæ & duriores & altiores quam apud *Batavos* sunt, deberi judico.

T E M P E S T A T E S (ut argumentum hoc conficiam) quæ in Oceanis *Germanico* & *Britannico*, nostra

(15) *Lamentable News from Monmouthshire.* (16) Pag. 710.

(17) Cap. XXXV.

& patrum memoria sœviere, & de quibus omnino constat, adeo fuere turbulentæ, ut si earum aliquæ in Chersonesum, ad hosce dies usque manentem, recta fuissent collineatæ, nullus (ut opinor) esset dubitandi locus, quin a tanta vi auferretur Isthmus: & tot annorum sæculis, quot illico dicentur, revera hoc accidisse nequaquam improbabile videtur.

S I N ex Americâ turbo maris æstui superveniat, mare, cœlum, omnia miscens, omnia confundens, ac si nature instaret dissolutio, (posse vero hæc concurrere nemo sanæ mentis ibit inficias) En causam huic negotio parem!

A L T E R U M hujas Dissertationis membrum jam aggrediamur, & speciatim inquiramus, utrum exesa fuerit revera hæc Chersonesus; annon. Si de ejus dividendæ modo, qui fieri posset, conveniat, magna inde lux emanabit, unde argumenta, quæ a Viris doctis passim afferuntur, ad divisionis hujus probabilitatem arguendam: egregie confirmabuntur: præmisso nempe (quod haecenus fuit desideratum) Vento, ejusque in elidendo hoc Isthmo virtute omnium causarum maxima, tantoque negotio (cum cæteris) pari Horum ego argumentorum nonnulla persequar; sed leviter tangam, utpote ab aliis fusius antehac tractata.

P R I M O. Terræ jugum illud notabile, quod Fretum subjicitur, & de quo supra; quid aliud sibi vult, quam quod eo loci Terra olim multo altior esset; at Maris per aliquot annorum millia reciprocationibus, ad eum in quo nunc est statum abluta & detrita? Præcipue, si advertamus Regulam hanc constantem & perpetuæ veritatis esse, Maris scil. imum, quo magis Oceano præterlatente tritum, (quantum patitur ejus durities) eo magis planum & æquale reddi.

Q U I D deinde Rupes in Freti Litoribus oppositis, sive Montes prærupti, albi, ex eadem materia, Calce nimirum & silice compositi, ad sex utrobique milliaria, sibi

sibi invicem, tamquam Tesseræ respondentes; quid, inquam, volunt, nisi olim interstringi se, & ablutione Terræ interpositæ disrumpi?

**TERTIUM**, apprime convenit cum isthac Chersonesi *Britannicae* opinione, tractus illius, qui hodie *Rumney Marsh* appellatur, ratio & ingenium. Durante enim isthmo, cum Oceani fluxus eo tamquam obice sisteretur, æstuare eum necesse erat, atque adeo Terram illam *Rumneiensem*, utpote planam & humilem in propinquuo exundare. Hoc ostendunt Oceani *Britannici* Fluxus, hodieque hac planicie aitiores, aggere fortissimo & magnis sumtibus aspulsi: Dentes item ostendunt, atque *Offa*, sive Hippopotami sive alius cuiusdam marini animalis (18), anno 1668, *Charthami* altitudine pedum 17, dum puteus aperiretur, eruta: at luce clarius ostendit anchora, non ita pridem ex alto loca hæc circiter effossa. Perrupto autem Isthmo obiceque jam remoto, Oceani unda subsidit, a Terra illa recessit, in alveum se contraxit; unde quæ olim *Aëstuarium*, hodie Planities, longa viginti milliaria, latu octo, eaque fertilissima bobus saginandis aptissima reperitur.

**NOVISSIME**, fac Chersonesum olim fuisse, Lupos, aliaque animalia, generi humano inimica, posse hoc migrare, conceptu facillimum est: at si illa non fuit, naviis ea, tamquam ad tuendas & conservandas eorum species, advehi, stulte cogitabimus?

**N E Q U E** me moratur, quod nulla sive *Latinorum*, sive *Græcorum*, sive alias cuiusvis populi Historia Chersonesi hujus abruptæ mentionem fecisse perhibeat, (quamvis hoc nequaquam ex omni parte verum:) Dic fides, Historiæ quam brevis sit ætas, si ad ætatem mundi comparetur. A rerum initio ad primam, quæ

(18) Vide Clariſſ. *Somneri* Diatribam *Chartham News* appellatum: Actorum Philosop. No. 272. Et Clariſſ. *Wallisi* de hac Chersoneso Dissertationem, Act. Phil. No. 275.

nunc exstat (i. e. Herodoti) Historiam, 3500 circiter anni sunt; & a Noë Diluvio, 1800. At tam immenso temporis spatio (quod supra innuimus) quæ Causarum accidere possint οὐχὶ; quaque ex iis in orbe nostro fieri mutationes, nemo tamen cito statuere debet.

DIXI hoc nequaquam ex omni parte verum: quid enim planius illo Virgili,

— *Penitus toto divisos orbe Britannos.*

[*Nonne putatis, (inquit eruditissimus & Antiquitatum Britannicarum scientissimus (19) Joh. Twinus) vocabulum [divisos] habere eam vim ut significat abscissionem alicujus ab aliquo? Et Auctorem mire gnarum significationis fuisse, & rerum antiquarum maxime peritum, & bene memorem fui?* Ad hæc verba Servius [*Quia olim juncta fuit Orbi Britannia.*] Nihil clarius esse potest ad demonstrandum Isthmi hujus divisionem veteribus fuisse notam. Ut omnino frustra esse Vossius, & nimio plus ὑποθέσει δουλεύει existimetur, cum in Fabellis Ægyptiacis (quo nempe suæ opinioni habeatur honos) eam poni voluerit.

**C O N C L U D I M U S** ergo e prædictis simul acceptis, Britanniam non jam inde ab initio fuisse Insulam, sed ex Pene-Insula factam: idque ut videtur, a Vento e favoribus aliquo, cum Maris æstu concurrente & Isthmum perrumpente.

(19) *De rebus Albionicis*, pag. 22.